

Tamanut suliariumannittussarsiuussineq: – Sakkortusaaviit pisinnaasaannik annertusaaneq

Uummannamiit Upernavimmut sakkortusaaviit aqquataasa tallineqarneranut atasumik suliariumannittussarsiuussineq

Uummannamiit Upernaviup tungaannut sakkortusaavimmik talliliinermut atatillugu tamanut suliarinnittussarsiuussineq TELE-POST-ip matumuuna saqqummiuppaa. Nunamik suliaqarnermik, sananermik, saffiornermik, ruujortilerinermik kiisalu-innaallagissalerinermik suliassat sumiiffinni assigiinngitsuni sisamaniipput:

1. NAQA
2. HOLT
3. SVAR
4. KITA

Suliassat tamarmik 2017-imi upernaakkut aasakkullu suliarineqarlutillu naammassineqarsimassapput.

Pappiaqqat suliariumannittussarsiuussinermut tunngasut pissarsiarinissaat

Pappiaqqat atugassat pissarsiarineqarsinnaalissapput sisamangorneq 9. februar 2017 aallarnerfigalugu, uunga saaffiginnikkut: mvj@masanti.gl.

Pappiaqqat suliariumannittussarsiuussinermi attugassat taamaallaat elektroniskiusumik pissarsiarineqarsinnaapput.

Suliassat tunniunneqarnerani piumasaqaatit:

Suliarinnittussanut suliassat tunniunneqarnerannut “suliakkiisumut neqeroorutigineqartoq aningaasaqarnikkut pitsaanerpaaq” tunngavigineqassaaq.

Neqerooruteqartup neqeroorusiami ilaatinneqarnissaa qulakkeerumaguniuk taava neqerooruteqarnissamut atortussiami pappiaqqat, allaaserinninnerit immersugassallu piumasaqaatigineqartut naapertorlugit ilanngussimassavai.

Piumasaqaatit atugassarititaasullu

Isumaqatigiisummut tunngaviussaaq AP95, tassunga ilanngullugit ilassutit, erseqqissaassutit aammalu piumasaqaatit allat pappiaqqami atugassami allattorneqarsimasut.

Suliariumannittussarsiuussinermi killigititaq

Suliariumannittussarsiuussinermi ulloq killigaa pingasunngorneq 01. marts 2017, nal. 12:00.

Suliarinnittussamik toqqaaneq

Pingasunngornermi 01. marts 2017, nal. 14:00 suliarinnittussamik toqqaasoqassaaq. Piffissaq eqqorlugu neqeroorummik tunniussimasut tamarmik toqqaanermi peqataasinnaapput.